


柳田文庫
文庫11
D 85
6





文庫11
D 85
6

清容居士集卷第十三

絕句 七言

團扇圖

玉樹秋殘翠影疎
掩門何處望金輿
昭陽殿裏渾閒事
最恨當年李婕妤

擊梧桐圖

萬樹梨園已失春
秋聲颯颯起胡塵
君王獨立梧桐下
不見當年鎖諫人

韓幹五王出游圖

花萼樓高怯翠衾
平明聯騎走芳林
讓皇可是無忠益
一



010190555360

08-12133

曲涼州恨最深

夜讀唐將遺事二首

合江雨暗裂珠旗
鼙鼓寥寥怒促圍
不是帝羝車上去
元戎那得袞衣歸
雉尾雲深漢殿開
將軍鐵馬響春雷
太平未覩匆匆去
空憶君王白玉杯

秋山圖

簇簇麻姑十二闌
倚空搖落總塵寰
臥遊京洛誰消得
一榻松風響珮環

童時侍先人泊京口旅樓
一月正對江山樓繁麗
特甚江津流民散處不可悉數
今皆不復有追憶

舊事因成絕句十首

碧瓦參差第一樓
風旗獵獵喚行舟
兵廚有酒真堪飲
不學弓刀也白頭
紅袖娟娟舞旋齊
鑾江一曲唱尤奇
西湖院落曾翻得
未識君王知不知
燈火闌珊月色低
少年乘醉馬東西
樓頭畫角聲悲壯
又聽歌聲促曉雞
白葦蕭疎野火焚
流民草舍各星分
沙田土瘦新耕得
甘死江頭不作軍
朱門高插相風旗
千里船行總得知
稻米流脂江上去
健軍何處是男兒

日日樓頭算酒錢
峩冠太守號籌邊
鳴騶傳入丹陽館
爲是行都過客船

淮馬低如果
下驪春風小隊打紅毬
日斜臺上人爭看
銀盃分明第一籌

明月曾愁多景樓
幅巾長袖是清流
金焦山勢元相望
不揜諸公富貴羞

劉改之舊有山掩諸公富貴羞之句

硯山園下將軍宅
脫卻兜鍪整強學
儒聞說高堂擁紅粉
醉翻筆陣墨模糊

白雲一去愁千疊
此地重來百不如
空憶當年覓梨棗
小樓燈火了殘書

先人課子最嚴時在旅樓不廢講誦

雪中招虞伯生祝丹陽

空林一色十分春
羞殺高眠獨笑人
喚取東坊虞博士
紅爐同點奪胎銀
金芽初熟白皚皚
袖手爐邊未盡開
爲請招真老高士
且須騎馬抱琴來

梁山樂

千頃芙蕖送我船
碧香紅影弄娟娟
梁山風景能消得
不到西湖卻十年

支家口

蕩底天鵝雜橈聲
南鄉今有幾長亭
錢湖未盡滄洲興
臥看荷花十二汀

黃河

清客集卷十三
乘槎使者問河源織女相逢事惘然從此競傳天上去不
知滄海幾桑田

耿山

一簇山腰總賣薪語音猶是舊吳人江湖水闊從今住更
可輕生學買臣

古黃河口

温温河水似湯泉送我南歸意萬千入海定從天上去不
知重會是何年

黃樓

詩到徐州不用題危濤千尺壓金堤羣峯翠盡蘇仙去萬
古黃流日又西

伏日度淮

伏日陰陰盪棹船詩腸冰雪碧淮鮮黃塵自是人間暑不
識薰風在五絃

過高郵

一片歸雲一片帆菱荷淡處綠蒲灣鳩鵲可是無情思不
及沙鷗自在閒

嬖社湖

嬖社湖中新水清風牽荇帶引帆行靈妃夜度霓裳冷輕
折菱花翫月明

聞見

飛蝗眼見度淮鄉又聽吳田水渺茫總怨春來雪五尺變

風變雨變年荒

渡揚子江

一舸中泠煙雨飄片帆閃閃浪招招倚闌僧在半空語南
去北來今幾潮

俞光遠治余別墅口占奉謝

種竹澆花俟我還花成雲塢竹成山相逢且說相思恨更
說何時得共閒

周子敬三年不寄一書口占奉寄

伏日松陰酒一壺抱琴身與鶴身癯故人天外慵傳信唯
憶楞伽是舊書

聞仲正新得掌珠道中奉寄

知君已厭添丁事與我同看納甲書別後匡床清夢少春
來又獲掌中珠

懷應德茂

瘦石支筇偈仄吟吳山雲冷越雲淡江湖老盡誰知己獨
聽寒泉響玉琴

明皇醉歸圖

日暮毬場醉欲歸停鞭更進紫霞杯老髯未省霖鈴曲猶
願君王款款回

過故人墓

湖曲淡淡鎖墓田種松成本起蒼煙欲窮精爽周流處雲
在青山月在天

送昌上人

江南山水一枝藤更上雲中第五層昨夜西風傳雁信露
華如雪月如冰
方袍圓帽眼如鶩問訊紅衣不點頭剛道西天同佛住筌
篋琴瑟勝南州

題葛仙翁移居圖

翁媪相攜入翠微轉頭猶有可憐兒丹砂不是神仙藥勾
漏歸來鬢已絲

黃松瀑索酒

殘春聽雨元無著恰似槽床淺滴聲活水飛花誰駐得願
隨小榼夜溪傾

祝丹陽飲馬圖

天馬從來不受塵水清溪愛自由身髯奴未識相忌處手
控青絲強屈伸

舊春花下與東嘉周子敬聯詩有人到中年始憶
家之句余坐舟中五十日因憶此詩作俳諧體奉
寄

平生愛詩復愛酒晚歲畏名兼畏茶年過五十不歸去底
用中年始憶家

四明衣冠山水窟人道風流勝永嘉爾來愁絕各閉戶方
信中年始憶家

我眠船中五十日飯有飛塵鬢有沙古言墨頭須萬里底

用中年始憶家
春風一架爛金沙憶昨同醉遺烏紗山東禁酒不得飲方
信中年始憶家

題鄭潛昭玉堂藁

雲漢天孫古錦機秋風槎上解相期迴鸞舞鳳會翻得不
用人間五色絲
春睡牽人渴思濃小窗誰贈密雲龍自憐舌本那知許急
寫緘題似舊封

宮娥弈碁圖

爭先春色在眉端圍坐佳人著意看可是相憐饒不得東
風自怯五更寒

求酒

爲愛雲房酒盞清涓涓殘溜滴春聲夜來梅月十分白嗅
盡梅花看月明
輕輕梅花春風面卻似道人微醉時只恐花飛失君意更
酌叵羅歌小詞
小詞歌徹飲叵羅一寸清霏奈客何窗外馬蹄猶不住誰
道江南春水多
我家舊釀碧琉璃色壓花枝朶朶低頗怪春淡未歸去花
下杜鵑應亂啼

伯生約賦竹枝詞因再用韻

君家竹葉江水清我家竹枝三峽聲三峽水隨江上去迴

首望鄉終眼明

簇簇青帘蕩子期飄飄紅杏三月時青帘紅杏總輕薄自展碧牋書我詞

暮雲纖纖如越羅勸子不去知子何桃花水溪放船了卻憶關山塵土多

愛君酒滑滑如泥白眼叉手頭愈低南鄰琵琶不堪聽自舞柘枝驚春啼

舟中得功遠瓊花露戲成三絕

瓊花瑞露十分清客裏相看眼倍明自是江南春色好錯教騎馬到京城

平生嗜酒不殢飲最憶停盃微醉時花下盈盈似相待莫

教春倒最濃枝

繁禧觀裏花如雪畱取清陰待我來應有真真花底坐生香一曲舞三臺

梁山樂

梁山水樂八百里容得碧鷗千萬羣愧我扁舟數歸路晚風掠陣入蒼雲

嫩草豐茸間軟蒲一川晴綠映春蕪平岡散牧分雲錦簇簇斜陽是畫圖

大船曬網小船曾知是吳儂喚得磨共說五湖難住卻朔風吹雨捲千腔

仲章以余賦瓊花露因成陽臺之句次韻

清容集卷十三
月下看花花氣清羨君不飲更分明五雲破曉迴歸馬疑
上天邊碧玉城

我愛瓊花賦酒詩雪香憔悴可憐時平山芍藥開如斗擬
揀肥紅作贈枝

相如肺渴非關酒多病卻迴江上來可是春風消不得白
頭吟憶舊琴臺

送危功遠

翩翩海燕近宮城的的天鵝度上京癡坐江南未歸客夜
聽春樹袞潮聲
居庸關外雪模糊簇騎分明似畫圖猶有淡春後歸雁見
君曾宿洞庭湖

天柱峯前第一詞風清月冷鶴先知京城可是無吟思眼
看飛花下筆遲

送吳成季五絕

牆東杏樹花千片片隨風到馬頭只恐花飛不解走度
關時節暮雲羞

北雪初消未見山馱鈴聲雜佩珊珊廉家池館春風好獨
看牡丹惟我閒

上京新酒玉津津薄醉淡春惱殺人截取當年釣竿竹捲
筒相寄不嫌煩

詩瓢浙瀝風前樹雪在淡村月在梅從此不須生感慨晚
寒更上望鄉臺

清容集卷十三
九
三十一
鼇峯路與仙峯近取次詩筒日往來慙愧阿戎松下坐洞
門淡鎖碧桃開

長沙鄧醫年七十餘遊京師二兒扶小車得酒卽
醉類有道者劉充之號曰壽軒且令賦詩

大兒椎髻小兒丫拍手清天在小車剛道人間易榮辱醉
歸齊插碧桃花

南極星明湘水邊七還猶是小行年囊中紫粉誰傳得酒
盡君歸我亦眠

醉面頰如紫玉盤天風吹上月團團擬翻新譜朝元引雪
壓梅花鐵笛寒

平原賈氏戲綵堂

鶴髮棱棱水石村飛花蛺蝶舞兒孫人間朱紫爭新取落
日微茫政倚門

晚訪仲章不遇

小院春濃落照閒碧篁相對乳禽還晚風陣歇游絲盡畱
得歸雲在屋山

梅溪圖

玉人楚楚意逍遙隔水攜琴不受招迴首芳林真嫵媚春
風歌館聽吹簫

三徑圖

遶舍山青流水新春風吹玉綠勻勻意行已復支筇去從
此何須問主人

靜芳亭

簾外羣山當畫屏
白雲如水度中庭
松花落徑無人掃
失卻莓苔一半青

貯香亭

長安何處認飛花
片片相隨十萬家
唯有碧桃天外種
露華清淺玉交加

大年宿雁圖

寒夜沙汀睡已成
雁奴翹首獨淒淒
驚朝陵閒說燕王事
恨殺人間兄弟情

次韻馬伯庸應奉絕句一十八首

元都觀裏桃花句
沈香亭前芍藥詞
今年春風似憐我
明

年春風更相思

肥紅盈盈錦步障
淺黃淡淡綠油幕
絕憐舊嫁小娉婷
一曲生香淚雙落

垂髻雙雙白馬郎
看花不語愁晝長
堂前有婦不可守
遍愛吳姬與趙倡

綠柳高低千萬樹
翠竹橫斜三兩家
妾非江南蕩子婦
不許郎君烏帽斜

五臺山前雪如席
千古萬古搖銀光
驅馬莫飲澗邊水
澗水能令馬穿腸

小樓昨夜聽琵琶
推手卻手怨王家
不辭遠嫁盧龍道
可憐長城骨如沙

海南不愁珠翠少家家共籠秦吉了夜聽吉了似秦聲賈
客年年不知老

紅衣夜唱娑羅樹云是西天好兒孫吹螺日飲官法酒笑
渠騎馬傍人門

吳兒蕩漾楚兒癡酒酣垂手索題詩桃葉不傳渡江曲竹
枝空歌三峽詞

老鶴攀松舞月色哀猿坐樹啼天光一喜一悲盡今古慷
慨不如秦舞陽

誰家弄玉矜少年採蓮艇子歌娟娟轉首那知顏色老猶
抹橫雲啼鏡前

京華作客不知老燈花明滅搖寒房爲問涉江下灩澦何

如種竹滿篔簹

金門羽客恣狡獪清曉元文總不看朝騎白馬穿閭苑夜

乘白鶴下天壇

妾顏不比天桃枝妾心不如傾日葵羞著主衣當筵舞蓬
鬢荆釵卻自宜

燕山芍藥大如斗千朵萬朵凝春煙健羨南京馬供奉醉
著官袍不上船

向曾六月桓州住雪歇前巖散冰樹王郎馬郎太愁生兩
騎雙雙辭我去

吳門艇子淮南船我慣乘之眼欲穿老來愛酒不得飲歸
向桃源種秫田

烏靴窄窄稱宮袍雙鬢風翻見一毛聞道中山止十驛急
須乘馬釀松膠

還馬伯庸文藁

乘槎淡夜問支機天女流梭舞鳳飛迴首人間金粟尺翦
燈愁製五銖衣

逸馬圖

瑤池宴罷周王羣牛首蛇身騁怪靈漢使近從西極返龍
媒元是世間形

試馬圖

二駿翩翩勢竝驅轉頭槽櫪總庸奴秋風萬里雲容與不
用青絲強繫拘

散馬圖

秋盡川原草樹空冷雲嗚咽似呼風太平天子囊弓矢畱
得閒身落照中

次韻繼學伯庸上都見寄

陰陰櫻殿水雲蒼鳩鵲風微夏日長渾似醴泉宮畔境千
官齊立從文皇

紗縠單衣珮水蒼碧牋裁詔繭絲長日斜雙入通明殿雲
母屏前對玉皇

相思盡日鬢毛蒼赤土塵淡怨路長忽憶鏡湖明月夜藕
花清淺棹餘皇

題危功遠山水

清客集卷十三
三
二六十九
雲作模糊冰作棱玉峯淡鎖鐵峻嶒欲問先天觀前路鈞
叟捲篷終不磨

孔節婦表門

鳳逐麒麟天上飛淡鍾涼月獨鳴機春風猶是人間世華
表亭亭護落暉

墨梅圖

鐵石冰霜百世身疎明瘦直一生真元雲借我凌寒便直
上鈞天試早春

雪繭輕蒙絕點塵小窗晴日得橫陳夢回猶記溪橋路黯
澹相看喜似人

蜀女繡牛圖

絕壁連雲翠木稠五丁空作蜀王羞浣花女子聞鶻苦繡
作春風萬古愁

錢舜舉折枝菊

醉別南山十五秋雁聲淡恨夕陽樓寒香似寫歸來夢背
立西風替蝶愁

子昂控馬圖

雪積流沙冰歇巖天池飛舞入殺函奚官可是相拘檢笑
領春風白玉銜

渡水羅漢圖

洞口泉分岸渺茫意行的的水中央相看總絕神通想不
用折蘆歸故鄉

次韻繼學天寶宮禱雨見懷

小著羅衫涼似秋
梨花寒重雪交流
瓊林宴罷傳宣急
不許祠官用虎頭
的的雲團白玉杯
可堪羊角兩驂開
松花淡處塵如雪
知是龍歸鶴未來
千林紅紫鬪京城
一朵姚黃露有聲
惆悵可人何處覓
獨行花下到天明
新雨悠揚人未歸
遠山凝碧綴雲衣
捲簾擬作庭前舞
點點團沙柳絮飛

送嶼上人

玉几前峯慘翠顏
瘦藤挑雪度三關
黃塵似作松花落
歸

雁南來我北還

東南蕭寺梵王音
禡蛛絲薜荔淡我欲與君同面壁
首拚雙屣挂松林

東溪老子詩三略
的瑛盤貯夜光擬把玉簫松頂坐
穿雲吹徹九天涼
月暎寒燈雪暎簷
故鄉夢斷酒初忺
因思舊宅梅霖後
新竹齊抽碧玉尖

寄天童岫長老

太白山高雪四圍
孤峯翠織五銖衣
誰言老子寒無力
獨擁紅爐更下幃

贈南嶽道士歐陽君

丹鼎芙蓉生玉床紫泥封固結
霜道人急歸巖屋守不使月明騰夜光

崔白竹

昔年家住篔簹谷葉葉凌雲對此同
近日畫師爭斂手垂頭疑在柳陰中

往歲南歸商隱長老遠惠佳句不獲承貺次韻敘

懷

席帽京塵廿載強風前數髮白於霜
芸編不檢蛛絲羃斑馬專門萬古香
桑乾嶺上是天心萬樹松花積翠淡
兩度灤陽三伏節片雲飛雪是晴陰

烏紗承笠霏霏土短袖持鞭窄窄風
冬盡不知梅蘂白春來淡愧杏花紅

商隱長老以余歸喜溢翰墨愧歎之餘次韻以謝

少年學道惡加鞭掩息支頤絕語言
玉几老禪曾對坐茶甌如雪閉寮門
沈沈雲頂絕天風不展袈裟萬念同
眼見永師傅妙密虎丘殘塔夕陽中
龍歸石落無消息碧眼長身振祖傳
江上白鷗元不礙潮回月出滿樓前

春日奉旨侍祠太乙朝罷觀齋中紅梅花

藏春塢裏功夫密一一羣英點絳唇
共道紫皇分上瑞須

清容集卷十三
知太乙露天眞
斗柄分明指孟陬紅鑪橫簇化工收先皇寶歷今重建應
許南枝在上頭

次韻砥平石

廿載冰霜興已終復於馬上送年窮雙峯閣上憑欄立疑
有子規啼晚風
燕山長驛四十五雪擁金臺玉作層疑是黃蘗消不得何
年投老得依僧
我翁綠野舊精廬樓閣連雲畫不如贏得高人欹枕臥膽
瓶冰蘗樂冬餘
恩師高住湖邊寺清夏菱花閱錦波妙趣通元鄰粲可清

言協律近陰何

砥師平地湧金仙不詫虛空不說禪怪我往來增白髮雲
龍新碾汲清泉

省庵

三十六宮春寂寂月華如水碧雲眞真空齋宴坐天心轉知
是羲皇太古人

姚子中左司墨竹

雪花搖曳被春欺的的琅玕侍玉墀千歲元霜誰拾得紫
薇花畔寫參差

斗巖

搖光遊戲下塵寰曾被山僧駐不還從此夜淡隨鶴度玉

衣清淺珮珊瑚

歸德王瓊母表閭

寶奩香瑣綉羅衣不許春來蛺蝶飛得見慈烏好顏色門前槐柳引雛歸

西寧李處士碑

元復初作

堂堂吏部睢陽敘耿耿中郎有道碑點檢清河金石錄的於處士絕諛辭

博平王獻妻徐氏表閭

無子無夫鬢影蓬兩家王母事相同

王逢原妻臨川妙筆宋史有傳

傳青史我輩空令兩耳紅

離宮圖

龍首渠開王氣埋淺沙殘草認天街當年金屋寒雅聚時有耕人拾寶釵

子昂逸馬圖

神駿飄飄得自閒天池飛躍下塵寰青絲絡首誰收得畱與春風十二閑

通叟狀元以秘書滿職言歸泊然若無營者柄舊與殿廬詳定得通叟卷氣完以充議者爭緘口今其南歸以子昂畫馬求言愴然以別吾徒之責淡缺然矣至治元年八月二十九日梅書

薛濤牋

蜀王宮樹雪初消銀管填青點點描可是春山畱不住子

規聲斷促歸朝

十樣蠻牋起薛濤黃笮禽鳥趙昌桃浣花舊事何人記萬劫春風燐火高

理皇題馬麟野芳佳木圖上題丙午歲

重慶城頭翠木圍陽羅堡畔野花稀卅年竟換人間世弦管西湖認落暉丙午至乙亥恰卅年

題寒拾圖

三人攜手共嘲吟古殿脩廊自在尋石壁忽開靈怪絕可禁飛瀑海潮音

舒貴和以黃菊相贈賞挹逾六十日短句奉還淡碧齋

九秋風度玉精神的的寒英不落塵還向清齋調火候明年散作萬枝春

雲峯圖

融融洩洩互低昂絕頂瓊冠白玉裳聞道溪南三尺雨道人推枕召髯羊

楊節婦傳

鳳簫吹徹碧雲天眼見孤凰淚欲穿回首春風三十載槐花如玉柳如綿

宮女賞花圖

一架薔薇錦障稠滿庭蜂蝶替人愁玉環已侍昭陽殿側近傳杯得自由

宮女度曲圖

望瀛法曲紫霞觴更按伊州奉玉皇翠竹涼淡宮院密新
聲那得過宮牆

靜中齋

玉宇寥寥星斗沈千林籟寂印天心羲皇猶是人間世
嶮谷參差不用尋

張氏承祜堂

幼弄青梅共繞床白頭舉按話尊璋竹花已老桐花發
雛鳳參飛列畫堂

題何尊師醉貓

縱橫社穴恣穿窬抵掌摩鬚不奈渠賴有連錢能遣醉
晚

風殘日臥庭除

題初平起羊圖

舊跨髯羊入帝青天瓢如注散清冷明知制氣歸吾手
好與松間護茯苓

題鮮于伯機拱北樓樂府

氣湧如山壓海潮高樓明月更吹簫從茲徑直虛皇筆
春蚓秋蛇擅市朝

簡馬伯庸

象榻香濃翠幌春美人倦繡態橫陳平明欲進朝天襪
小立蘭燈熨帖頻

山水圖

高閣何人傲獨醒
蒼松流水倍分明
絕憐艇子搖山影
猶與行人管送迎

書懷

二紀驅馳鬢已斑
臨風數雁悟知還
山中舊種松千樹
從此歸休手自芟

三月廿九日女孫生朝
今七歲久客京師未嘗食
其湯餅舊見林膚齋爲女孫作絕句事適相類
子云當次林韻且錄林詩于後

福慧曾傳兩足尊
願將清貴屬高門
大家女誠夫人筆付
與袁家第一孫

憶昨華光侍至尊
袖香清曉候金門
舊留書冊今猶在
時放漁竿教女孫

隱居放言

憐子憐孫玉雪顏
更憐諸壻守家山
若教總使紆青紫
老盡京師更不還
古道寥寥世不聞
麥舟高誼薄青雲
邇來忽作苞苴看
買得南宮免校文

以琴弦寄永嘉周子敬

五色鸞膠世莫傳
春雷迸石響流泉
永嘉七十四居士
元鶴來時就榻眠

堯民圖

泰定甲子題

衢尊淡酌舞蹁躑
鼓腹行歌樂自然
共道帝堯新紹運
九州重見上元年

育王長老見惠茶瓜次韻奉荅

玉几峯橫寶塔前，彌天消息是真傳。
蒲團禪板都忘卻，似笑當時手指天。
迸石春芽寶所藏，枯松手拾許溪烹。
能令星斗珠璣綻，要使江山錦繡張。
道人種玉光千頃，淡陋長安畝一金。
只恐冰霜難下齒，特將妙語助清音。

蜀江圖

三峽盤渦灑瀨堆，層巒百丈鼓聲催。
從今盡向金牛路，杜宇溪啼喚不回。

巢溪堂

風攬危巢樹樹秋，更騎牛背濯清流。
舉頭總是人間世，朝市山林且自由。

餘慶堂

閉門春熟酒醪香，淡夜書聲度北堂。
不羨崔盧官譜好，盛栽松竹俟成行。

題李士宏墨竹

漫山桃李艷紛紛，歲晚相看有此君。
昨夜墨池新雨過，澹煙輕掃一窗雲。

碧海無塵玉作壺，琅玕清淺露流珠。
相思忽憶侯都史，爲爾疏封墨大夫。

題管道士雷谷

古竇陰陰一線泉中有伏龍方晝眠何人握固坐其下霹
靂送雲催上天

盧溝符氏酒亭

茅屋疎煙報午雞金沙清淺水亭低羲和勸汝一杯酒勿
與行人東復西

牧羊圖後有閻先生詩次韻感舊因成二首

嬰兒御氣草堤眠能使雙羊合自然莊叟不知蝴蝶夢覺
來重作養生篇
玉質堂堂地下眠雲龍風虎各加鞭松陰舊日趨庭客整
佩蘭皋駐集仙

李唐牛

穉稔原空蟋蟀吟秋來乞得自由身平蕪又見粼粼綠復
與田翁共苦辛

閔思齊調閩府

榕葉陰陰荔子丹碧巖深處漱潺湲秋聲只在瑤琴上曾
聽龍吟杳靄間

道山堂上文書靜寺寺題詩滿碧蕉昨夜海神隨雨過綠
巖爲作小詞招

水仙圖

日暮佳人十二鬟臨風解佩意閒閒當年曾立通明殿笑
押蛾眉第一班

百鷺圖

清客集卷十三
紫宸淡處立清班聽履雖得自閒歸向江湖尋老伴展
圖猶在五雲間

絕句 五言

信州招真觀二十八詠

小隱巖

山鬼小兒足木精游女神據會學真隱下視飛花塵

馨香巖

淡睡失明珠猛走飛流涎松花卷輕雨滴滴百重泉

學堂巖

露盤下金薤雲笈流珠纓泠泠寒巖下猶有嬰兒聲

鬼谷巖

縱橫太古石短長千歲藤感彼巖居子獨飲古澗冰

昇仙臺

寥寥入太清金門繚紫垣或云有官府微誦五千言

釣臺

垂綸落澄潭小魚儻然來大魚引之去釣石何崔嵬

一線天

茲山可容天舉世皆笑之我不答此語鼓腹支其頤

五面石

分一只成五五石各有一誰能據其上面面不相失

寒月泉

曉汲寒泉清明月各在缶缶空不見月引水復在手

金沙嶺

金沙雖爲貴履之傷我足愧彼側布人欲獲無量福

長生池

飲水人已去山中多白頭青蘋空淺處時見玉蟾游

老人峯

高帽側整整秀嶺深重重積此太古雪遂名老人峯

三山石

三山不可度絕壁峙書堂流水日浩浩太極彌茫茫

礫潭

沈沈無底谷央央太古雲赤日焦下土老蛟眠不聞

玉簾泉

截玉作明簾不知簾外事應有碧眼仙隔簾見人至

石人峯

滄玉未得法變形成楚囚九轉乞換骨三沐期點頭

仙足巖

山溪猿狄驚瞬息下神步空飛本無蹤長獻上天去

月巖

顧菟樂嬉遊入地不得騁化爲白玉泉彷徨返東井

雷公巖

神鈞起空洞陰火生羽翰我耳若不聞白雲在天冠

道人巖

道人本無姓對客那有言龍口迸石髓鳥跡開雲根

丹井

金鼎閔寒泉真火彌不壞年湮定飛騰子夜吐光怪

洗藥池

靈根乘月吹肉芝生土肥濯以上源水千歲永不飢

鳳山

孤飛千仞岡兩翼化爲石年年春風時山花成五色

風洞

罡風轉空輪浩劫不停息此爲天地根視之杳無跡

逍遙巖

形畱非自在何者爲逍遙青松在谷口白雲在山腰

長廊巖

飛吟起霞珮馭氣躡天梯碧雲布參差纖脩與巖齊

龍口巖

弄月紅玻璃匿雲紫芙蓉近已厭狡獪納息元虛中

靈湫

靈龜道其前游儵殿其後歲久淡自韜清夜巖下走

朱窩楊柳青地近滄州余愛其名雅作古調五首

朱窩楊柳青明日是清明地下不識醉悲歡總人情

朱窩楊柳青客亭塵漫漫爲你多離別我生無由完

朱窩楊柳青黃河瀉如注還俟飛絮時相同入海去

朱窩楊柳青自愛青青好亦如遠行客相逢不知老

朱窩楊柳青桃杏鬪顏色顏色雖不同時節各自得

墨蘭

飛瓊散天葩因依空巖側守黑聊自韜不與眾草碧
仙人紫玉枝化爲水蒼佩獨立搖落中秋風得相貸

次韻宿清風軒

澥浦正覺寺

天風淨雲衣海眼卷石髮醉起撲殘燈獨看端正月

石湫二水橋

寧爲千丈清不作一尺渾古語有涇渭橋水何人分

虛一

欲問鴻荒事何如鼇極時三三與七七在手不須知

題應德茂游吳紀事二絕

澗東冰泉咽松懸月露清何人會真趣細坐與君評

聽鶴駕湖曉呼猿驚嶺昏十年南北恨無語獨銷魂

雲鏡

團團白玉光直入寒奩底昭徹誰爲容空飛本無趾

霧香

含章楚澤東晚思淒冥冥剖之久不食三嗅揚其靈

竹西

前導扶桑日廣招閭闔風天心須正位不必問西東

清容居士集卷第十三

清容居士集卷第十四

元 袁 桷 撰

絕句 五言 六言 挽詩 雜詩附

雙雁圖

秋風限南北何事往來頻竝宿寒蕪際應憐自在身

六月二十四日夜夢剡源師同游山寺主僧延入
丈室出梅花畫卷賦詩旁有胡用章先生坐主僧
下時剡源對席僕居其次案上綠竹一枝青翠可
愛剡源賦詩桷卽援筆

一白不受采重元今罷論窗前有綠竹密雪打黃昏

漁樵問答圖

清客集卷十四
翠嶺邀黃鳥蒼波玩白鷗偶因平地坐始識世間愁

新安郡嶺南十詠

清江釣月

神魚竊金液爲龍復爲光平波無纖雲有餌不可嘗

空谷耕雲

斜側龜背戲高下魚麗圖阿童踵其後黃犢爲前驅

蒼峯卓筆

仰手判虛空昭回爛星斗遂令山下泉復作之元走

碧巘舒屏

古藤青步障曲曲靜相宜春晚巖花發生綃印折枝

楓林巢鶴

絕頂秋聲急盤旋作我家不須金掌露且服赤城霞

雪澗浮龜

飛湍齧雲根千載見五色中有九九文舉世人不識

峻嶺扶車

前行已可戒後行復何如懷哉王陽生靜言表其閭

圓岡揭斗

晞髮步上帝空巖泣山妖歷歷化爲石喬松導前杓

古寺垂虹

飛虹飲長澗垂首不能收僧從背上行水流橋不流

雙溪合璧

鳴玉抱山根上有金蟾翁指揮鐵如意化爲雙白龍

子昂蘭竹墨戲

元霜落銀繭飄飄湘江佩服媚疑褻之碧窗靜相對
迸地鱗角精摩空鳳毛聳寒泓散晴煤桃李爭色動

題龍虎圖

玉淵發靈籟摩盪超九天調鉛靜名之帖首在我前
寒松翳幽篁得意當路隅急以真一求坐令侍瓊瑤

墨竹四絕

謇謇凌雲志霜餘節更存春風宜管領生意屬兒孫

右老

奮雷初出地承露已凌煙願從朝元駕為旄拂九天

右嫩

直道犯無隱虛心明且清側身思遠舉巖壑養淡情

右風

曉沐換新綠萬采成空塵守黑心不緇同元道彌真

右雨

墨蘭蕙四絕

金明秋林清月白楚天碧美人眇愁予服媚永今夕
采芝不成仙食薇難療飢結茲以為佩臨風酌湘纍
天香落銀楮秋聲入元筆何如湘夫人促軫鼓靈瑟
組綬何承承琲珠復纍纍相視不以色紛披暎簾帷

題悟律師詩卷

萬樹叢雲裏千巖急雪時世塵俱不到端坐誦君詩

清容集卷十四
三
壞衲翻經帙匡牀點律科看山無限思一一付吟哦

子昂枯木竹石圖

亭亭木上坐楚楚湘夫人因依太古石融液無邊春

六言

厚齋先生以詩借玩辭次韻

項子沈冥學古芸芸萬變觀交閉閣清香宴坐斯人端可
神交

已悟長年坎離更窮逆數先知補已滿三篋問事誰攜

一紙

題湖曲小景

穆陵御
題詩句

流水無言寂寂落花有意粼粼往事空餘華屋倚闌愁絕

江南

送鄧師禹歸龍虎山

小帽飛花一寸輕舟流水三分落日獨歸洞口隔溪短笛
猶聞

獐猿圖

細草豐茸古洞斜柯厯落寒雲信道乾坤消息端須類聚
同羣

孤雲

在水同源一色出山萬緒千條欲趁驂鸞整整更同笙鶴
飄飄

規矩方圓在手輕清重濁隨形宋子不須苦賦屈生為我

揚靈

白雁似憐片影碧潭深
暎無心獨上紫霄峯
半參差吹徹飛吟

題陳文翁畫扇

淡淡孤花欲笑娟娟雙蝶疑
愁無奈寒蟬得意竟專落日啼秋

題美人圖

西施

辭家已意存越入宮誰解圖
吳故苑秋風麋鹿扁舟夜月江湖

昭君

鬢影愁添塞雪花枝羞殺宮春
誰道佳人傾國解從絕域和親

馮妃

目送亭亭秋水腰迴款款春風
爲問下車搏虎何如御坐當熊

班姬

望幸眸凝秋水倚愁眉
簇春山已悟篋中紈扇須看鏡裏朱顏

洛妃

可怪夢中說夢底須愁裏添愁
落日春風王子多情不解綢繆

綠珠

金谷煙迷清曉玉簫春怯餘寒可恨花鈿委地當時莫倚危欄

壽陽

一片花飛宮裏十分春滿眉端底用流酥點綴更煩圓玉搓團

張麗華

結綺塵空樓暗景陽春斷鍾遲紅葉無言在手同成井上臙脂

次韻潛昭焚香

意絕豈能生慧心清定解通神一穗黃雲滿几故將綺語

撩人

甲煎煙消吐艷鷓斑湯暖凝脂道人機心已盡清坐唯餐兩梨

紙帳溫雲如醉綺樓春夢成虛知見何須盡絕詩成要是禪餘

宮樣昔傳心字羅紋指甲爭工往事桃花流水黃塵蔓草寒風

潛昭九日贈龍團次韻

月碾舊裁玉勝雲爐溫浴銀芽九日殷勤相贈淡羅猶記金花

閱世已成清玩傳觀那識餘甘寶篋政須千襲瓷甌未許

同參

題伯庸所藏子昂竹石

伯夷清宜典禮子路勇誠冠軍日落虎驚沒羽潭幽龍走
凌雲

曾中丘壑玩世眼底煙雲凜秋岸憤欲澆磊砢解衣淡聽
颼颼

墨竹

蘆葉不禁秋色柳枝那解春聲醉閱小窗橫幅風回雨轉
雲清

子昂墨萱扇為湖南楊晉母作

墨蝶巧分釵股元蟬高綴冠梁莫厭南州炎溽為添北戶

清涼

雪谷曉行圖

過翼淒淒巖谷曠懷納納乾坤我欲相思命駕人猶高臥
扁門

高彥敬遠山木石圖為記夢符學士作

身比寒厓枯木心似浮雲太虛落日前峯堪隱丹青渺渺
愁子

復成

黃髮蒼顏竝轡白雲青山比肩誰道風流已矣只今圖畫
依然

春雲出岫

駘蕩巫山態度悠揚洛浦精神春去似歸闈裏月出端疑
水濱

謝氏梅坡

謝家雁行兄弟一枝偏出南州低昂可受殘雪瀟灑猶堪
盛秋

劉生還廣信省親就試

萬馬隨雲北上孤鴻趁暑南飛欲踏三山海浪願隨寸草
春暉

頤齋

多言不直杯水異味能生五兵何似淡淡閉息丹臺出日
初清

禮闈倡酬 乙卯

次韻禮部李公二首

明詔傳巖谷攜 入帝京心同蛛網織意擬鵠巢營選德
圭璋器掄材杞梓楹龍門能化鯉端不負平生

又

黼坐思文渙號行鵠袍林立萃天京釣絲已具六鼈手彩
筆誰專五鳳名寶鑑懸空淡照影神鋒躍冶莫容情百年
禮樂重開運此道何須問兩生

次韻監試李仲困御史四首

高墉護脩庭列仗嚴棘闈昭代闡文治多士舒且遲謬言
職緘滕晝日淡下帷昂昂子大夫咫尺瞻天威願罄悃款

忠少奉白玉墀直言諒無隱寧懼菲與萋

中朝尊壽俊入徵垂安車念彼巖谷生惠然命來趨鵬飛
企天池鳳息思高梧煌煌六籍功不與稊稗俱明皇燭遐
邇追琢璠與璵雅詠廣棫樸仁風暢騶虞

高堂集羣英搖佩蒼玉寒朗鑑明月高雅量滄海寬上承
丹辰心舉逸脩廢官繻童入關內芝叟辭商顏陋彼馬上
翁慷慨空溺冠

皎皎鵠袍子旅進翔廣庭明時昭曠典如醉眸初醒稽古
迺正學敢言效桓榮昌歌詎正味咸池在希聲古云儒匪
迂雍容佐文明餘思續皇雅黼黻歌昇平

次韻郭巖卿

清穆黼坐更化弦儒館集議招列仙玉堂射策興羣賢鵠
袍賈勇思登先輪困奏牘誰三千利若武庫森矛鋌巍如
繩直清廟與常山之蛇首尾連曾臆結約言不愆峩峩相
國水鏡懸手捧詔墨金花鮮大爲梁柱小杙椽令嚴虎士
齊烽煙游絲日靜風翼翾羣曹坐井難觀天大鈞橐籥品
物甄代天有命司其權錙銖美醜精評詮方臯相馬遺黃
元嫫母敢作千金妍工輪守度成方圓萬目一口非幸然
斟酌損益牛無全慶雲五色罍愚邊彤庭珠貫臚聲聯明
堂正席開九筵扶杖觀化嗟華顛煌煌龍榜天門前金吾
控騎青絲鞭夾道動色爭駢肩詩書往昔成遺捐聲教不
合今無偏瓦金之注同一挺慎勿逞說窮雕鐫皇元文運

齊天年

秋闈倡和丁巳

次韻席士文御史

至道白璧重小言浮雲輕詞場次後先理致貴坦明捧心
匪正色偏師乃奇兵駢駢白袍子昂首爭疾行味道絕嫵
媚清心養和平謇諤御史公懼我遭譏評當道謝駑駘朝
陽歌鳳鳴

次韻士文感興

宣尼倦游躅冥思立天紀洗心悟盈虛應物合參倚羣雄
爭霸盟騁意立私史崎嶇東周君削弱絕統體約言正墜
典執筆乃託始後王迭雄長正閏亂朱紫說吻江海深短

長爭四起大羹實錫鼎元冕表朱裏返真非無人未派失
元理金碧騰虛空謂是不死或言影響功駭愕壓餘子
齊居玩芸芸作事首存悔洗心揆義爰變動實由已神珠
守澗淵光怪孰可比矯矯林中鶴絜白不受恥紛紛堂下
蟻聚羶亦無幾流光企羲娥慎獨守素履之人金石心年
運任坎止中年勇聞道晚歲復未已驅車望前川操轂敢
濡軌

八月二十有二日范京尹同會秋闈天使傳召命
溫問試策貢士賜以法酒臣桷等望闕再拜以敘
飲膳錄官翰林應奉臣翼述其歌詩謹用次韻

五雲闈闈祥鸞流紫皇御極圖神洲巍煌京師首文化計

吏四出巖阿求城南儒宮極蕭爽古木落月凝清秋麻衣
東西白鵝峙烏帽高下寒雅稠朱顏廣穎粲胄子佩服觴
礪懸吳鉤兵奇欲奪趙氏壁氣盛直臥元龍樓范侯機澗
妙彈壓雞翹蚤歲承宸旒傳宣溫訓愼去取瓦釜勿以黃
金酬宮壺午傳瑞露重翠質纈栗緘封周微臣望拜感莫
語願上史館書徽猷百年墜典起盛世慶雲五色開公侯
興文云初道任重滄海浩渺難方舟眉山之蘇詎常士過
眼獨賞須梅歐夜闌心掉不得語瑟縮凍吻歌不休

次韻王正臣書史試院書事二首

貢士搜天巧經營縹緲間露蟲吟嘖嘖雨葉戰潛潛董賈
傳醇正揚劉陋險艱銓衡同水鏡辱贈不知還

古殿蒼雲裏疎星出樹閒案燈光閃閃簷溜滴潛潛便覺
登瀛易誰言與選艱白頭心更苦滄海掇珠還

次韻宋質夫應奉秋闈書事二首

廣寒清徹桂花黃影落空庭夜露涼七札巧穿誰矢直六
鼇連舉我竿長神清難入華胥國賦古須看古戰場一朶
紅雲傳湛露夜淡齒頰凝天香

草廬星列藉寒莎欲擬隆中事若何倚筆看天塵境絕袞
辭翻海怒濤多持衡要使心常赤題榜誰言髮盡皤盛世
崇文遍寰宇遺賢寧可老巖阿

次韻席士文御史六首

煌煌文運起賓興樸學無知謝未能北斗夜橫東壁正露

簷危坐獨凌兢

槐木森森雲影開諸生曳履起輕埃明河可是人間物端
用乘槎八月來

文鋒鏖戰白差差沈著無聲午漏時掣海碧鯨翻古製翔
雲彩鳳吐芳辭

倚筆看天思獨難懸庭秦鏡敢藏姦東方射策三千牘始
信明時取士寬

多病支離百不堪挑燈眼眩罷清談廣寒果有娑羅樹須
踏天梯上蔚藍

烏府先生玉雪清論文沖淡去浮輕要令我輩平如砥不
使輿言負聖明

秋闈倡和

丙寅江浙

能言發

至治三年八月十五日乘駟騎抵榆林于時善之
祭酒仲國學士伯生伯庸二待制同在驛舍觸感
增悵今忽同校文于江浙因述舊懷

萬馬穿塵入渺茫遺臣一日九迴腸碧雲碎碎琉璃影白
月離離菡萏光雁足無書來海島龍髯有恨達衡湘誰知
此日同文館把手無辭醉十觴

三十年前與倪仲澹泛湖作中秋今幸同與校文
中庭月色如晝短句敘舊

昔年同泛凌風舸白眼論交屈指難楓葉參差山影矗藕
花凌亂水聲乾我方烏帽穿黃霧君正羊裘漱碧瀾歸隱

始知人世換無端此地更憑闌

中秋柬周儀之推官伯明都事兄

氣與西山爽氣高酒酣燈冷各稱豪不隨北雪追燕騎徑
上南雲踏海鼇桂醕的知伴沉澹蔗漿端可敵蒲萄衰年
投紱慙眞隱更爲君王選俊髦

汪叔濟推官鄭復初判官周本道判官同校文江

浙因思歐陽充公王岐公事政相類不可無一言

以成故事短章述懷

長冠黑髮雁行齊讜對彤庭陋木雞直以中聲生玉瑄更
將五采藉^元圭文章瞻覈期穿札經術精淡鄙印泥我輩
直須雙目爛可令餘子誚昏迷

次韻段省掾

妙筆翻空歷杳茫更馳紫電騁沙場珠璣已綴三千牘斧
藻能成十二章易水臺高招國俊廣寒路近裛天香相君
盛德憐駑劣給燭分茶與激揚

再次韻

白頭歸隱髮荒荒那識當年古戰場文雉朝陽金吐綬潛
虬迸霧火爲章才超董賈文如織語壓淵雲墨有香會見
彤庭冠多士始知我輩陋宣揚

挽詩

謝尙書

學易書臺地

資州有李鼎祚讀
書臺謝公治易

詞林起壯猷家空辭蜀道

清客集卷一
三

祿薄度南州

曾知封州復
爲廣東倉

愛石雲生坐看書月過樓淒涼

甬水曲風竹自蕭颺

晚歲功名異蒲輪禮數溫嘉謀傳竹帛肥遯寄丘園散號

南儒貴

自號爲勅
賜南儒

峩冠北客尊冥冥乘鶴去空想典刑存

史觀文

奕世調元貴東南第一家紫綸傳密札綠髮擁高牙往事

霜前木餘齡霧裏花陽明眞洞啟跨鶴整飛霞

故國衣冠聚凋零獨此賢勞生樂蟬蛻遺魄寄牛眠丹旄

前官貴青箱舊物全哀榮今莫比笳鼓鬧晴川

李宣慰思行

宏才卓犖聳羣雌悵望心期晚歲違江海夜長談舌壯關

山春斷客魂飛批風給月文空在逐電追雲事竟非神理

縣縣那得盡冢頭新柏翠成圍

白首功名汗漫休一官鍛翮玩清秋終憐薏苡難消瘴何

用蒲萄強博州萬事浮雲今已定百年公論與誰謀羊生

未灑西門淚落日寒江水亂流

史猷父

少小昂昂意長冠脫綺襦交游金谷聚談笑玉山扶舊雨

三槐宅西風五柳湖空令後生輩彈鋏陋爲儒

妙語千年簡英姿百世期忍聞淮水絕不見雍門悲往事

雲歸壑空言水覆卮相從今已矣寒淚滴冰澌

王尙書

秋水雙蓮孕英英吐異芬詞章納雲夢禮樂訂河汾丹詔
三軍泣清名四海聞西峯傾落日乘鶴叩蒼雲

晚歲艱難意衡門老病身蜀山迷望帝楚澤痛靈均皮弁
終辭徵淡衣晚任眞蓋棺今已定千載有遺民

燕說經生濫齊諧學究輕微言空有意獨拍已無聲墨澤
雞林貴青氈虎觀榮新銘前進士幽抱付誰明

再世登龍舊淵源許管窺西山遺正緒東澗結冥知腹笥
名空在眉梨壽竟違重歌妾薄命寒淚滴塵瓶

楊夫人

丹桂香殘紫菊萼轉頭何自失芳年錦裙舊繡空爲記玉
軫新聲已莫傳散騎文成殘月淚彩鸞書罷白雲仙人間

總有相思恨不用松風激澗泉

潘少白

星厯張平子丹砂葛稚川書田終晚歲酒國送長年世味
雲行水心期月印天諸郎聞競爽蒼碣定重鐫

史湖州夫人

清白吳興守稜稜老吏師風霜塚上木玉雪闔中儀種德
桑千本傳家桂一枝春暉有餘報遺範合蒼碑

文集賢

家聲垂宇宙更作列仙儒袁粲那無傳嵇康已不孤金雞
官驛暝白鷺古洲蕪不盡修文意端從地下圖

死者不可作家兒常自嫌奉輿薊門角叱馭越山尖猿落

清容集卷十四
三更淚霜飛六月炎人方愛嵇紹我亦愧陶潛
前朝三百載慷慨盡斯人天地有消息江湖多賤貧許人
憐老母叱馭作忠臣邂逅成丘首猿啼似有神

黃夫人

錦堂鶴髮玉稜層猶是承平舊典刑鸞詒日邊傳御札
鞍花外候仙輶室如明鏡心如水庭有斑衣案有經回首
人間真蝶夢澗松搖佩起泠泠

悼章斯遠

學道求仙三十年飲冰齧雪竟蒼然錦機斷幅朝元賜銀
燭殘膏醮斗傳役鬼有靈符絕筆燠金無術鼎飛鉛昨宵
同我堦前飲今日憐君地下眠

烏府先生聲似鍾希年噩夢喜溶溶擬看廣穎傳青簡誰
信方瞳學赤松秋月白於銀鑿落夕陽紅似錦芙蓉燕山
甬水五千里從此空飛滅去蹤

悼張道士

海上神山十二鬟思君疑在有無間桃花褪水青春急柳
絮團風白日閒芸室燈昏螢閃閃藥壇雨冷竹斑斑它生
欲了重元事煩乞神膏駐好顏

吳君載

金谿人

妙年玉雪佩幽蘭塵尾英賢接往還萬里出門車折軸九
天無路虎當關青燈黃卷家仍在古木清溪福竟慳賴有
韓公三世舊已將椽筆誌瑤環

夏昭文

晚歲心清眼界平看雲投幘養脩名徒令化鶴悲滄海不見迴鸞下玉京觀物無心元草滿愛吟有句墨花輕蒼山日落簫聲急似有仙家白鹿迎

熊處士

三閩千古恨五柳一生賢石護栽花徑泉分種秫田松高青耿耿竹淨綠娟娟欲識淒涼意埋銘手自填

危功遠道士

紅日翳黃埃騎鯨徹九垓詩瓢風歷歷丹鼎雪皚皚紫府調仙掌朱宮育聖胎相期千古意獨立重徘徊

劉古昂教授

矯矯南鵬翼昂昂野鶴姿翦燈千古事彈鋏半生詩棋罷黃梁熟歌殘玉樹萎溥雲催雨急相送不勝悲

會成成都何德之處士

蒲應奉其弟子也晚居興元

江漢清秋老岷峨故國身潛川珠玑璨韞匱玉孚尹逸興蟬離垢癯容鶴寫神發硯經席正炙轂辨鋒新素業書千籬幽居黍一困非辭魯生徵白樂管寧淳水近蘋交佩巖低溥墊巾詩清猿母泣詞整燕雛親夢往蕉疑鹿書成筆感麟山觀天外象梅閱靜中春燐黑魂猶慘槐黃事可詢極知情惘惘徒意走趨趨故里傳遺稟空堂象素真故人調鼎鼎弟子演絲綸靖節名堪繼文中躅可循悠然端有意念此竟誰陳

吳饒公

種德槐三樹傳清桂一枝晚香年款款天爵歲熙熙大賚
開茅社殊恩辨土宜執謙容受谷詠道樂沿沂玉帶朝元
服朱顏浴日姿菊泉便上壽橘井養清資引竹藤侵屢看
花柳拂卮跨鞍人共仰扶杖客爭疑霜暖柑分釀年豐黍
作糜黃封浮瑞露白醉擁晴曦京國輸甘旨鄉閭表羽儀
齊年堂上扁通德里間楣謂可疇離社胡然不憇遺烏傷
情有感蟬蛻樂無涯孝養傾千古褒榮盛一時誰成太史
傳會俟侍臣碑

王秋山

翩翩玉雪養脩名絕頂穿松午日青別墅忽迴迎客犬空

林猶隱讀書螢苔荒琴薦春無迹風攪詩瓢樹有靈萬疊
蒼雲埋玉去好將銀管寫沈冥

廬陵李主簿

應珍

青衫黯淡畫圖中雁塔塵埃進士空可恨餘勳收汗馬極
知往事費雕蟲暮年榮辱非吾意此道升沈屬至公松竹
蕭蕭自今古清秋裁些託冥鴻

趙令人

永陽郡王與茱女

靈漢雲昏彩鳳沈參差聲絕露沾巾高堂玉樹竟芳殞寶
篋金花空素陳鮫室不知珠滴淚仙壇曾見海揚塵百年
精爽真冥會一掬清溪是劒津

吳夫人

上饒徐覺民主簿母

玉樹彫殘浩劫遷，
稜稜鶴髮獨清全。
種桑不作十年計，
指廩能生萬竈煙。
白璧養成元圃失，
華堂歌罷板輿懸。
坡陀積翠松千本，
準擬飛雲歸墓田。

黃如山

兵後還家意苦辛，
白雲零落淚沾巾。
松花麩蜜廚常淨，
貝葉書經筆有神。
蝸角可憐蠻氏國，
鵲聲猶記蜀王身。
白頭編簡成春夢，
的的餘勳付後人。

劉伯宣中丞死三十年，
延祐丁巳歲始得諡忠憲。

朝中各爲挽詩

烏臺雲黯柏蕭蕭，
秋雨聲悲廿四橋。
置獄可能生長倩，
入門端不祭臯繇。
墓前飛鳥傳新象，
身後騎鯨下大招。
聖代

昭明青史著，願將直筆紀姦妖。

東平段衛率

壯歲投鞭夜渡江，
前茅親受百城降。
後車長物唯書篋，
別墅閒情獨酒缸。
燕憶香銷塵滿榻，
鶴驚琴冷月當窗。
傳家舊有籛金諺，
手種堦前壁一雙。

何德之處士

雪色鬚眉兩臉春，
市中能作笑雲人。
簪花欲舞烏啼急，
放鶴初迴蝶夢真。
茶竈煙收門掩晝，
詩瓢風動筆生塵。
婷婷小女思翁醉，
欲翦巾紗淚滿脣。

家賣烏紗染入得宜士夫咸取之

播州宣撫楊資德

掌武傳無敵，崇儀續上多。
精忠書竹帛，英譽蓋山河。
絕北

驚遼海投南鎮大和襲封綽滿篋錫誥錦成窠皎皎明珎
樹亭亭碧玉柯之無文緜認宮羽短襦哦魏帝奇何竝唐
皇悅李過幼成端有種帝鑒的無頗玉帳龍韜祕青箱鳳
篆摩教民風偃草撫俗水旋渦斥境嚴銅柱征戎指鏃戈
雅遊春結佩小隊曉鳴珂士飽歌于薦軍權醜叵羅追亾
窮古澗濟勝極幽蘿寸地歸王化羣蠻守詔科細氈倂密
續善馬敵名馳客有依劉感人傳嗣產歌氣融汶領雪量
納蜀江波葛相功猶在韋王事若何雲仍賢莫比君長禮
無苛閉戶時披褐看山甦脫鞞填詞鶯囀切促軫雁聲搓
芝嶺圖空想桃源境類訛盛年眞國器妙質竟山阿世德
蟬聯備家聲驥子峩播川彌震耀峴石詎沈磨

眞定史萬戶

高陽之徒也至死忽題詩而逝

一身蠶作繭兩曜蟻旋磨投筆人境忘長歎泉下臥
月流白羽觴風送朱絲弦欲識無生樂熟睡三千年
玉雪陽春五十年詩成書罷珮翩躚擬將北斗爲罌缶不
向人間酌酒泉

臨江熊君

浮湛元不礙清影透溪扉木落行雲泣山空病鶴飛詩書
誰素業江海獨天機此意何人會哀笳慘暮暉

至治丞相挽詩次韻李仲因學士

重元開葆命上聖席蘿圖盛德函諸夏淡仁浹八區降靈
申作翰稽古禹陳謨初日行黃道羣星拱紫樞神羊庭辨

直貪獸鼎垂模纒帛招賢俊鋼金辟佞諛撫牀論密勿借
筋契都俞明月青銅鑑中秋白玉壺律成懸象魏禮缺補
鴻都士進三千牘姦誅十二衢彌縫前後正損益古今殊
相業專橋梓英標瑞竹梧癡墓元有兔猛虎果非羆內坐
占華蓋中階仰泰符令嚴顙白帝漏下候黃姑萬騎元雲
蔽羣狐黑夜呼銜枚兇有約解帶僕云痛象燬端因齒龍
眠竟失珠聞驚燧人氏事異夏區夫鬪戟交馳驛重弓競
接途殺青誰執簡泣血漫成湖史紀羹臬賜經傳齒馬誅
陰氛動天地遺痛感樵蘇故壘煙攢棘荒原燐積蕪邦刑
窮勦絕陽澤起萎枯趙氏兒猶在山公汝不孤勳名昭令
甲精爽與天徒帝所隨陞降神山辨有無

雜詩

破衣僧

種花楮絲枲纂新迺成弊鐵襪及肉身剛柔亦摧毀真空
埽眞壞大願開大知渴欲飲清泉飢欲思美味隨彼所願
心以解嗔惱累王侯與長者糞土金玉貴何以慰彼思長
壽只歡喜壽本同我衣仰箭勢還墜堅忍及精進設衣以
自譬懼彼不信我投焰五采異老僧機已寂贊歎非本意
意絕道始彰從此斷三世

熾盛光佛偈

寶光生虛空旋如火車輪肉眼一見之欣怖難思議謂光
由身生我身與汝同口眼鼻舌心光亦何從出無生亦無

滅是繇定慧成眾生受五濁七曜日鑒臨四餘在虛空摩
盪不暫停列宿直四方好樂各有職或增彼貪嗔或增彼
淫慾居處各侈靡恣飽窮膏脂天神與魔鬼行住陰伺察
爰假躔次環俾汝作疾忒佛言彼有罪須當盡懺悔若更
攘割之安得名慈悲矧此缺陷世植果會有因臯旣從是
消福亦從是增般若無損益萬念墮積劫還彼清淨根眾
生永安樂

綠陰堂山偈十首奉寄開元斷江長老

綠陰堂前碧樹齊千枝萬枝雲萋萋生臺不令鷓鴣舞禪
板時許倉庚啼

綠陰堂前春筍生大著錦綉小織成老禪一一點頭角要

使參天來鳳鳴

綠陰堂前初夏涼芭蕉爲扇椒爲漿日汲井華三百斛側
聽漁父歌滄浪

綠陰堂前古佛身劫火不壞金色新笑殺丹霞斷知見暖
得病軀生障塵

綠陰堂前萬境空掩息不語超鴻濛有人立雪問大意山
神泣走號寒松

綠陰堂前自在時不拈公案不題詩僧來住夏與竹杖客
去逢春贈柳枝

綠陰堂前秋葉彫湖翻白浪魚龍驕我有鐵鉢水一勺彈
指送爾歸扶搖

綠陰堂前夏木清
千紅掃盡雲層層
有僧忽問柏樹子
斫卻柏枝僧始磨

綠陰堂前結小參
以手直指車司南
現前虛空付大梵
過去功德歸瞿曇

綠陰堂前合自然
不學吟詩不學禪
應許清容老居士
睡盡高春猶愛眠

還源庵

沃焦山下水歸東
端與銀河一點通
誰信道人能掩息手
提渾沌擲虛空

綠陰堂前夏木清
千紅掃盡雲層層
有僧忽問柏樹子
斫卻柏枝僧始磨

清容居士集卷第十四

